



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj _____ godine, primilo je k znanju

Informaciju o poduzetim aktivnostima na sanaciji mosta Ars Aevi i stvaranje pretpostavke za njegovo trajno održavanje, uključujući videonadzor

PREDSJEDAVALAČI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA

O PODUZETIM AKTIVNOSTIMA NA SANACIJI MOSTA ARS Aevi I STVARANJE PRETPOSTAVKE ZA NJEGOVO TRAJNO ODRŽAVANJE, UKLJUČUJUĆI VIDEONADZOR

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



1. Uvod

Ars Aevi je most namijenjen za pješački saobraćaj. Nalazi se u Sarajevu, općina Novo Sarajevo i premošćava rijeku Miljacku. Spaja lijevu obalu rijeke Miljacke sa Vilsonovim šetalištem. Projektovao ga je Renzo Piano, u svojstvu ambasadora dobre volje UNESCO-a. Most je sagrađen 2002. godine.

U augustu 2009. godine završena je sanacija mosta Ars Aevi. Investitor sanacije mosta bila je Direkcija za puteve Kantona Sarajevo, nadzor je obavljao Zavod za saobraćaj Građevinskog fakulteta u Sarajevu, dok je izvođač radova bila firma Euro-asfalt d.o.o. Sarajevo.

2. Analiza stanja mosta

U 2018. godini Muzej Ars Aevi angažovao je IPSA Institut da napravi pregled i procjenu stanja Mosta Ars Aevi te je u maju 2019. godine završen glavni izvještaj, elaborat i prijedlog za sanaciju mosta sa nedostacima i prijedlogom mjera, i to:

„• *Dodijeliti zadaću održavanja mosta Ars Aevi nekom javnom preduzeću.*

• *Uspostaviti fond za održavanje i alocirati odgovarajuću količinu novca. Naša procjena je da izdvajanje za održavanje iznosi 12,000.00 BAM neto na godišnjem nivou. Međutim, izostanak aktivnosti na održavanju u proteklih deset godina rezultirat će u potrebi za sanacijom i pokrivanjem njenih troškova.*

• *Pripremiti projekat sanacionih radova na osnovu ovoga Izvještaja. Predmjer radova za sanaciju koristi se za procjenu troškova.*

• *Sanacioni radovi moraju obuhvatati rješenje odvodnje i zaštitu rasponske konstrukcije od prodora vode. MOST ARS AEVI GLAVNI PREGLED TEHNIČKI IZVJEŠTAJ 27/27*

• *Strogo preporučujemo da sanacionim radovima bude obuhvaćeno potpuno rasterećenje i ponovno utezanje zatega. Utezanje se mora provesti pomoću odgovarajuće opreme i bilo bi preporučljivo imati eksperta iz kompanije Macalloy na gradilištu tokom ovog postupka.*

• *Reperi se moraju postaviti na most radi omogućavanja praćenja geometrije mosta. "Početno stanje" može se snimiti po završetku sanacionih radova.*

• *Dinamika mosta mora se pažljivo istražiti na numeričkim modelima. U ovom slučaju, treba priložiti stvarno dinamičko opterećenje od pješaka i izračunati ubrzanja. Napominjemo da smo u ovom Izvještaju koristili jednostavne postupke, samo orijentaciono. Ovi postupci upućuju na problem ali mi smo mišljenja da tema dinamike mosta u ovom slučaju zaslužuje malo više pažnje.*

• *Bilo bi prikladno ponovo razmotriti eventualno postavljanje horizontalnog čeličnog sprega, skrivenog ispod hodnika, kako je predlagano u ranijim izvještajima. Međutim, ovisno o rezultatima daljih dinamičkih analiza, jedna opcija također može biti provođenje neke vrste pojačanog nadzora nad mostom u sklopu održavanja, radi umanjenja rizika za javnu sigurnost.*

• *Poslije jakih kiša, posebno u proljeće, kada su nivoi vode rijeke Miljacke visoki ili kada budu blizu nivou Q100 (jednom u sto godina), bilo bi poželjno provesti vizualnu kontrolu elastičnog oslonaca u sredini raspona zbog njegovog položaja i mogućnosti da u njega udare plutajući objekti.*

• *Svi nedostaci navedeni u ovom Izvještaju moraju su otkloniti što prije radi spriječavanja daljeg propadanja mosta i zadržavanja odgovarajuće sigurnosne margine. Strogo preporučujemo provođenje sanacionih mjera unutar naredne dvije godine“.*

3. Status mosta

Pješački most Ars Aevi kao i svi ostali pješački mostovi na području grada Sarajeva su u nadležnosti gradskih općina na čijoj teritoriji se nalazi most, odnosno u ovom slučaju u nadležnosti Općine Novo Sarajevo.

Grad Sarajevo nije upravitelj, niti je nadležan za održavanje mostova na području grada Sarajeva.

4. Zaključak

Iz navedenog izvještaja evidentno je da pješački most Ars Aevi ima, pored estetskih, probleme koji se odnose na čistoću i grafite, ali i konstruktivne probleme koji mogu dovesti u pitanje sigurnost samog mosta kao građevinskog objekta te da je neophodno navedene nedostatke otkloniti u što kraćem vremenskom periodu.

Potrebno je razmotriti mogućnosti postavljanja video nadzora nad mostom, sa naglaskom na definisanje tko bi upravljao sistemom videonadzora (policija KS, agencija za osiguranje i sl.).

Budući da Grad Sarajevo nema nadležnost nad mostovima, aktivnosti iz tražene informacije ne može sprovoditi. Za iste je nadležna Općina Novo Sarajevo. Ukoliko Općina Novo Sarajevo iskaže želju za saradnjom, Grad Sarajevo će shodno finansijskim mogućnostima učestvovati u sufinansiranju predmetnih aktivnosti, a obzirom na značaj samog mosta.